

آبونه شرائطی

ممالك عثمانیه ده سنه لکی (۶۵۱)، الق
آبونه ۱۳۴۱، غروشدور .

ممالك استعبدیه ده سنه لکی (۱۷۱)، الق
آبونه (۹) فرانقدر .

اداره خانه

باب عالی جاده سنده دائره مخصوصه

اضطرابات

آبونه بدلی پشندر .

§

مملکه موافق آثار مع الممنونیه قبول
اولنور . درج ایدلمه بن یازیلر اعاده
اولونماز .



اضطرابات

رساله خردن آلمدیغی کو - ترمک شرطیه
بتون یازیلر هر هانکی بر خزنه طرفندن
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومردن محترمی
بولونمسی لازمدور .

§

ممالك اجمیهه ایچون آبونه اولانلرک
آدرس لریشک فرانسزجه ده یازلمسی دجا
اولنور .

§

پاره کوئدرلدیکی ز، ان نه یه د ژ اولدیغنک
واضعا بیلدیلمسی دجا اولنور .

شیون

حجاز :

ادای حج شریف . — مکه مکرمه دن یازیلور : حج شریف کال صحت وعافیتله ادا ایدیلدی . حاج کرامک سنن سابقه نظر اکثریتله برابر هیچ بر شهبلی بولاشیق خستلق کوردوغدی . حکومت طرفندن ابراز اولنان تقیدات صحیه ده حقیقتاً شایان شکران برصورتده جریان ایتدی . قاریشیق ، ازدحاملی یرلر صیق ، متادی برتفتیش ودقت آلتنده بولندیریلدی . شرائط موجوده داخلنده اجراسی قابل بوتون تدابیر فیه تطبیق ایدیلدی .

مربنده اسلام دارالفنونی — مدینه منوره دن اشعار اولونیور : سنه جدیده مناسبتله بوگون بالجله اعیان و اشراف عظام و قبائل عربان رؤسالیله مجاورین کرام اسرای ملکیه وعسکریه اوکلرنده شیخ الحرم حضرت نبوی ومحافظ وقوماندان بلده موجود اولدقلری حالدده مسجد رایه قرینده داودیه موقعنده موسیقه نکت ترمی ، و علمای کرامک خطب بلیغه سی ، اهلینک آلفیشلری آرمه سنده نام نامی حضرت پادشاهی به تیابه دارالفنونک وضع اساس طاشی استاد محترم شیخ عبدالعزیز چاویش حضرتلری طرفندن احتفالات فوق العاده ایله قولش ودعوات مفروضه خلافتناهی برآورده زبان تلاوت قلنه رق مراسم احتفالیه نه نهایت ویرلمشدر .

قافقاسیه :

اسلاملرک جبراً تنصیر ایتدیریللمه سی . — (باکو) ده انتشار ایدن تورکجه « اقبال » غزه سنده (علی قولی شجفوف) نامنده برذات (صخوم) ده ۲۴ اسلام قریه سی اهلایسنک جبراً تنصیر ایتدیریلکده اولدینی حقنده آتیده کی معلومات فجیعه یی نشر ایتمشدر :

« بز ماوراء قفقاسیه قطعه سنک (قوتایس) ولایتی (صخوم) سنجاغنده ساکن (آنجاز) نام قبیله سندنر . (آنجاز) اسلاملرینک ۲۴ قریه سی میسیونرلر معرفتیه نفوس دفتینه خرسیتیان اوله رق قید ایدلمشدر . میسیونرلر بوقیددن بالاستفاده بز جبراً خرسیتیان یایغه غیرت ایدیورلر . اهالی ایسه صلابت دینه صاحی اولدقلرندن خرسیتیان اولق تکلیفنه قارشى شدتله مخالفت ایدیورلر . فقط میسیونرلر بزى اغفال وتضییق ایله خرسیتیان ایدمه به جکلیرنی آکلادقلرندن شمدی تهیداته قیام ایله دیلرواخیراً بزى جمع ایدوب « هر حالده خرسیتیان اولمیسکر ، یوقسه سزه زراعت ایچون برقاریش طورراق ویریله به جکدر . « دیه تهیداته بولوندیلر . کچن عید فطرده صلات عیدی ادادن بزى علناً منع ایتدیلر . میسیونرلر (آنجاز) اماملرندن ، بوندن صوکره اهالی به جماعت ایله نماز قیلدیرما به جکلرینه واسلام میتلرین جنازه نمازی اوقویه رق دفن آتیه به جکلیرنه دائر امضا اکلشدر . ایشته بز (آنجاز) اسلاملری غایت مشکل وفجیع بره وقعه بولونیورلر . جناب حقدن بشقه یاردیجی مز یوق . حالزی مفتی الاسلامه عرض ایچون (قفلیسه) برهیئت مرخصه کوندرمش ایدک . مقصدیمز مفتی افندینک وساطتیه حالزی قفقاسیه والی عمومیسنه بیلدیرمک ایدی .

مفتی ایسه هیئتمزی ، « عجله آتیه یکنر ، ان شاء الله ایشکزد دوزه لیر » دیهرک قوری سوز ایله کیری دوندرمشدر . اسلاملری هر خصوصده محافظه ومدافعه آتیه سی لازم اولان رؤسای شرعیه مز دینرک محافظه سی خصوصنده بیله لازم کلن سعی وغیرته بولونایورلر .

شمال اسلام مطبوعاتی بوحوادثی نقل ایتدکدن صوکره صخومده کی اسلاملرک جبراً تنصیر ایتدیریللمه سی حقدنه معلومات آتیه یی علاوه ایدیورلر : « (قران) ده «سوه تای غوری» نامنده برروس میسیونر جمعیتی وارددر . بو جمعیتک ارکانی اسلاملری تنصیر ایتدیرمک ایچون پک چوق غیرت ایتکده در . مذکور جمعیتک رئیس ، نام مستعار روحانیسی «پسقوط آندری» اولان بریس (اوختومسکی) بوندن اوچ سنه اولنه قدر (قران) و (مهادش) اسلاملرین تنصیر ایتدیرمک ایچون پک چوق تعذیب ایله مش ایدی . صوکره درجه ده فعال اولان برنس (اوختومسکی) آجیق کوز اولان قران اسلاملرینه قارشى احراز موقیات ایدمه به جکلی آکلادیقندن اوچ سنه مقدم صخوم سنجاغی یسقه پوسلغه نقل ایلش ایدی . (آنجاز) اسلاملرینک شکایتنه باقیلیرایسه برنس (اوختومسکی) نک وقتیه قران ومهادشده کوستردیکی فعالیتی شمدی صخومده ابراز ایتکده اولدینی آکلایلمقه در . «

یایلمه سی طرفداریدر . بونک ایچون اروپادن متخصصلر جلب ایلک آرزوی صمیمیسنه ده بسله یور . فقط ایشته روسیه بر طرفدن جدی اصلاحاتک یایلمه مسنی ایشته یور ، دیگر طرفندن ده شو اصلاحاتی الله طولاشدیره رق آنی بزما ایچون حیات یرینه مماته چویرمک املنده در . بزه شو پروژه یی قبول ایتدیرمک ایچون هر نوع وسیله به مراجعت ایدیور . ازجله الیوم النده اک کسکین آلت اولارق بزه پاره ویردیر . مه مه به چالیشیور . روسیه بز پاره به اشد احتیاجز اولدینی ، پاره سز هیچ برشی یایه مایه جغمزی پک اعلا تقدیر ایتدیک ایچون متفی بولندینی فرانسه یی عثمانلی استقراضی یایه مه به دعوت ایله یور . صوکره دفعه پارسده « ارمنی حامیلری » نامی آلتنده اجتماع ایدن بین الملل بر قونغرده شو مقصد اوزرینه تشکل ایتمشدر . بو قونغرده هر کسدن زیاده اوک آباق اولان روس رجال دولتدن میلیوقوفدی . قونغرده نک روسیه تحریکی اوزرینه اجتماع ایتش اولدینی ده بو مناسبتله تعین ایدیور . قونغره قبول ایتش اولدینی قرارنامه ده دول معظمه به خطاباً حکومت عثمانیه ولایات شرقیه به عائد اصلاحات پروژه سنی قبول ایتینجه پاره ویرلمه مسنی ، کومروک رسومنک تزیایدینه موافقت ایدلمه مسنی ، باتنت رسومنک وضعنه مساعدده اولنماسنی توصیه ایلشدر .

ایشته حقمزده الیوم روسیه طرفندن چوریلان انزیه لر ! بز روسیه نک وروسلرک بوکی حرکاتده بولنه لرینه اصلا حیرت وتعجب ایتمیورلر . بتون نفرین ولعتی عثمانلو واسلام نامنی طاشیه رق عینی وادیده حرکت ایدن خائنه عاقددر . بولردن بریسی — شریف باشا نامنی طاشیان خائن حریف — پارسده نشر ایتدیک « مشروطیت » نام مجموعه سنده آوروبایه خطاب ایدره رک پارس قونغره سنده اجرای حرکت ایدن میلیوقوفلردن ده اشد برسانله حکومت عثمانیه به پاره ویرلمه مسنی توصیه وطاب ایدیور . بوزیل خائنله میلیوقوفلرک فرقی بودرکه میلیوقوفلر هیچ اولزسه اصلاحات نامنه ایش کوریورلر . شریف ایسه اسلامیتی آوروبایچون عظیم بر تهله شکل وماهیتنده کوستره رک آوروبایی ایقاظ! ایله یور . بوخائن دیورکه :

« عرب ، تورک ، کورد ، خلاصه بتون عثمانلو اقوام اسلامیه سی رؤسای الیوم غایت واسع « اتحاد اسلام » ترتیباتی قورمق اوزره درلر . بولر بتون آفریقایه ، آسیایه آدملر کوندره رک حسیات وافکار اسلامیه یی تحریک وایقاظ ایتک اوزره درلر . بولر « جمعیت خیریه اسلامیه » آلتنده درسعادته طوللا . نشلردر وعن قریب آوروبانک باشنه بلالر آچه جقلردر . عثمانلوغه پاره ویرلدیکی کون بو بلالر ، بوقیامتله قویا جقدر . الجزایر ، تونس ، مصر ، هندوستان ، هپ قیام ایدمه جکلردر . انکتره ، فرانسه ، روسیه محو اولاجقلردر . بناء علیه ای فرانسه ، ای انکتره ، ای روسیه متقیظ بولونک ، پاره وبرمه یک ، ویردیرمه یک ، چونکه تحت تهله که ده سکنر .

ظن ایدلمه سونکه بز اعظام ایدیورلر . بالعکس بوخائن حریفک یازمش اولدوقلرینک اوند بریسی بیله ذکر ایتمیورلر . ! ایشته ای عثمانلور ، ای عثمانلو عناصر اسلامیه سی ! بافکزد ، اسلامیت ، سلطنت نه مدش هجوملره ، نه فجیع اختلره معروضدر ! احمد اغایف